

დანართი N1

არასამეწარმეო(არაკომერციული)იურიდიული პირი
„თეთრიწყაროს კულტურისა და სპორტის ცენტრი“

თეთრიწყარო
2019 წელი



1. ზოგადი დებულება

1.1. არასამეწარმეო (არაკომერციული) იურიდიული პირი „თეთრიწყაროს კულტურისა და სპორტის ცენტრი“ (შემდგომში „ცენტრი“) წარმოადგენს თეთრიწყაროს მუნიციპალიტეტის მიერ, „საქართველოს სამოქალაქო კოდექსი“-ს, „ადგილობრივი თვითმმართველობის კოდექსი“-ს, „მეწარმეთა შესახებ“ საქართველოს კანონის და სხვა კანონქვემდებარე აქტების მოთხოვნათა შესაბამისად, დაფუძნებულ არასამეწარმეო (არაკომერციულ) იურიდიულ პირს, რომელიც ახორციელებს თეთრიწყაროს მუნიციპალიტეტის მოსახლეობის (შემდგომში-მუნიციპალიტეტის მოსახლეობა) კულტურული მოთხოვნილების დაკმაყოფილება-უზრუნველყოფას, მკითხველის საბიბლიოთეკო -საინფორმაციო და ბიბლიოგრაფიულ მომსახურებას, მოსწავლეებში პატრიოტული ცნობიერების, შემეცნებით - შემოქმედებითი აზროვნების და ჰარმონიული პიროვნების ჩამოყალიბებას, სამუსიკო პროგრამების სწავლებას დაწყებით საფეხურზე, სახელოვნებო, ინდივიდუალური და გუნდური სპორტის სახეობების განვითარებასა და მართვას, ახალგაზრდებისთვის სხვადასხვა სახის აქტივობებს, დაწყებითი საგანმანათლებლო და სკოლისგარეშე სახელოვნებო საგანმანათლებლო საქმიანობას. სხვადასხვა სპორტული სექციების შექმნასა და ჯანსაღი ცხოვრების წესის დანერგვას.

1.2. „ცენტრი“ წარმოადგენს „საქართველოს სამოქალაქო კოდექსი“-თ განსაზღვრულ კერძო სამართლის არასამეწარმეო (არაკომერციულ) იურიდიულ პირს, რომლის მიზანსაც არ შეადგენს სამეწარმეო საქმიანობა. იგი იურიდიული პირის სტატუსს იძენს მისი მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან და წესდებით გათვალისწინებული ამოცანების შესრულებისას მოქმედებს საქართველოს კონსტიტუციის, საერთაშორისო სამართლებრივი ნორმების, საქართველოს სამოქალაქო კოდექსის, „ადგილობრივი თვითმმართველობის შესახებ“ საქართველოს ორგანული კანონის, საქართველოს კანონების „ზოგადი განათლების შესახებ“, „კულტურის შესახებ“, „კულტურული მემკვიდრეობის შესახებ“ „სპორტის შესახებ“, სხვა კანონების, კანონქვემდებარე აქტებისა და ამ წესდების საფუძველზე.

1.3. „ცენტრის“ ელექტრონული ფოსტის მისამართია: dkazakhstanvili@gmail.com

1.4. „ცენტრი“-ს იურიდიული მისამართია: საქართველო, 2300 თეთრიწყარო. თამარ მეფის ქუჩა#2.

1.5. „ცენტრს“ აქვს დამოუკიდებელი ბალანსი, ბეჭედი, შტამპი, ლოგო, ბლანკი და ანგარიში სახელმწიფო ხაზინაში, აგრეთვე საქართველოს კანონმდებლობით განსაზღვრული არასამეწარმეო (არაკომერციული) იურიდიული პირისათვის აუცილებელი სხვა ოფიციალური რეკვიზიტები.



1.6. „ცენტრი“ უფლებამოსილია სხვა საზოგადოებრივ გაერთიანებებთან ერთად თანასწორობის საფუძველზე გაერთიანდეს კავშირში, საზოგადოებრივ მოძრაობებში, სამეცნიერო-ტექნიკურ-სპორტულ და სხვა გაერთიანებებში.

1.7. „ცენტრი“ შეუძლია თავისი სახელით გამოვიდეს სამართლებრივ ურთიერთობებში, საკუთარი სახელით მოიძიოს ქონებრივი და პირადი არაქონებრივი უფლებები, იტვირთოს ვალდებულებები, უფლებამოსილია დადოს გარიგებები, გამოვიდეს მოსარჩელედ და მოპასუხედ სასამართლოში, ცენტრი შექმნილია განუსაზღვრელი ვადით.

1.8. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, რომლისგან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია. მიღებული მოგება რეინვესტირებული უნდა იქნეს ცენტრის მიზნების, მისი განვითარებისა და სხვა აუცილებელი საქმიანობის განსახიერებლად;

1.9. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

1.10. საქმიანობას, რომლის განსახორციელებლად საქართველოს კანონმდებლობა ითვალისწინებს სპეციალურ ნებართვას (ლიცენზირება, სერტიფიცირება), ცენტრი წარმართავს საქართველოს კანონმდებლობით დადგენილი წესით სათანადო ნებართვის (ლიცენზიის, სერთიფიკატის) მიღების შემდეგ.

„ცენტრი“ ანგარიშვალდებულია დამფუძნებლის წინაშე.

მუხლი 2. „ცენტრი“-ს საქმიანობის მიზნები და ამოცანები

„ცენტრი“-ს მიზნებია:

2.1. თეთრიწყაროს მუნიციპალიტეტის ადმინისტრაციულ საზღვრებში მოქმედი კულტურულ - სახელოვნებო და სპორტულ-გამაჯანსაღებელი დაწესებულებების კოორდინაცია და მათი საქმიანობისათვის ხელშეწყობა;

ბ) ხალხური რწევის ტრადიციული დარგების აღორძინება და პოპულარიზაცია, სახალხო მოქმედების, ლიტერატორების, ავტორების, ნიჭიერი ინდივიდუალური



შემსრულებლებისა და შემოქმედებითი კოლექტივების საქმიანობის ხელშეწყობა, სამუსიკო, სამხატვრო, ქორეოგრაფიული, ზეპირ-სიტყვიერი ფოლკლორის სხვადასხვა სფეროს წარმომადგენლების გამოვლენა, პოპულარიზაცია; თანამედროვე ხელოვნების და ხელოვნების სფეროში თვითდასაქმებულთა საქმიანობის ხელშეწყობა;

გ) პროგრამული ბიუჯეტის შესატყვისად მოსწავლეთა ასაკის გათვალისწინებით მიზნობრივი წრეების, კლუბების, სექციების, ზავშვთა თვითმმართველობის, სტუდიების, ფოლკლორული ანსამბლების ჩამოყალიბება

დ) მოსწავლე-ახალგაზრდობის ესთეტიური აღზრდის ფორმისა და მეთოდების გაუმჯობესება, სულიერი აღზრდა, ქალაქის და ქვეყნის მასშტაბით გამართულ შემოქმედებით ოლიმპიადებს, კონკურსებს, კონფერენციებსა და გამოფენებში მონაწილეობა;

ე) სასწავლო პროგრამების გაუმჯობესება, პედაგოგიური პროცესის სრულყოფის ახალი მეთოდების და საშუალებების მოძიება, ალტერნატიული პროგრამებისა და მეთოდების დანერგვა;

ვ) მოსწავლეთა მიერ შესაბამისი სამხატვრო-საგანმანათლებლო პროგრამების ათვისება, პიროვნების ინდივიდუალური შემოქმედებითი მიდრეკილებების განვითარება, სახვითი ხელოვნებასა და სამხატვრო სწავლების პროგრამებზე ხელმისაწვდომობა.

ზ) გამოფენებში, კონკურსებში, ბიენალეებსა და სხვა კულტურულ ღონისძიებებში მონაწილეობის უზრუნველყოფის გზით, განსაკუთრებული ნიჭით დაჯილდოვებული მოსწავლეების გამოვლენა და მათი შემდგომი განვითარების ხელშეწყობა;

თ) სოციალურად მნიშვნელოვანი პროექტების, ხელოვნების სხვადასხვა მიმართულებების მოყვარულთა გაერთიანების შემოქმედებითი საქმიანობის ხელშეწყობა;

ი) მუნიციპალიტეტის მასშტაბით კულტურული ღონისძიებების დაგეგმვა და განხორციელება;

კ) მუნიციპალიტეტის ტერიტორიის ფარგლებში რეგისტრირებული ზავშვების, მოზარდებისა და სპორტით დაინტერესებულ პირთა მაქსიმალური რაოდენობის მონაწილეობა სისტემატურ სპორტულ-გამაჯანსაღებელ მოძრაობაში, ცხოვრების ჯანსაღი წესის პროპაგანდა და მისი დამკვიდრება მოზარდ თაობაში, მასობრივი სპორტის განვითარება და ხელის შეწყობა;

ლ) სასპორტო ფილიალების პროფილის შესაბამისად, მოზარდებისათვის ჯანსაღი ცხოვრების წესის ჩამოყალიბების, მათი წარჩინებული სპორტსმენებად



ჩამოყალიბების და დაოსტატების მიზნით, მუნიციპალიტეტის სახელით ტურნირებსა და შეჯიბრებებში მონაწილეობის მისაღებად (როგორც ქვეყნის შიგნით, ასევე საზღვარგარეთ) საჭირო ხარჯებით უზრუნველყოფა.

მ) თეთრიწყაროს გუნდებისათვის მაღალი კლასის სპორტული რეზერვების შერჩევა და მათი მომზადება თანამედროვე სტანდარტების დონეზე;

ნ) მაღალკვალიფიციური სპორტსმენების, მწვრთნელთა მომზადება;

ო) ქვეყნის ახალგაზრდული და ეროვნული ნაკრები გუნდების ნიჭიერი და პერსპექტიული სპორტსმენებით შევსება;

პ) „ცენტრი“-ს სპორტსმენებისათვის მუნიციპალიტეტისა და ეროვნული ნაკრები გუნდების წევრებისათვის შესაბამისი სპორტის სახეობათა მიხედვით მატერიალურ-ტექნიკური და თანამედროვე საწვრთნელი ბაზის შექმნა;

ჟ) „ცენტრი“-ს მოსწავლეთათვის (სპორტსმენთათვის) თანამედროვე სტანდარტების დონეზე სასწავლო-სპორტული პროცესის ორგანიზება, სპორტსმენთა წვრთნისა და სოციალური პირობების (კვება, სასწავლო-საწვრთნელი შეკრება, სამედიცინო კონტროლი) შექმნა;

რ) „ცენტრი“-ს სპორტსმენებისა და მწვრთნელ-მასწავლებლებისათვის ერთიანი სპორტული ფორმის შექმნა, სპორტული ინვენტარით მომარაგება;

ს) „ცენტრი“-ს ნაკრები გუნდებისთვის სასწავლო-საწვრთნო შეკრების ჩატარება და სხვადასხვა რანგის საერთაშორისო შეჯიბრებებში მონაწილეობის მიღება;

ტ) „ცენტრი“-ს სპორტსმენთა და მწვრთნელ-მასწავლებლებისათვის გადასაადგილებელი საშუალებებით უზრუნველყოფა;

უ) „ცენტრი“-ს დასაქმებული კადრების კვალიფიკაციის ამაღლება და სტაჟირების მიზნით მათი მივლინება როგორც ქვეყნის შიგნით და საზღვარგარეთ;

რეკომენდაციის საფუძველზე, მუნიციპალიტეტისა და ცენტრის წარჩინებული სპორტსმენების სხვადასხვა ფორმით წახალისებისა (მადლობის სიგელი, ფულადი ჯილდო და სხვა) და სტიპენდიების გაცემა;

ქ) სხვადასხვა რანგის შეჯიბრებების, სახელობითი ტურნირების ორგანიზება და ჩატარება.

ღ) თეთრიწყაროს ახალგაზრდობის ინტელექტუალური, სულიერი და ფიზიკური პოტენციალის გამოვლენის, ფორმირებისა და გაუმჯობესებისათვის შესაბამისი პირობების შექმნა;

ყ) ბავშვებისა და ახალგაზრდებისათვის თავისუფალი დროის ორგანიზება, ცხოვრების ჯანსაღი წესის პროპაგანდის, დანერგვისა და დამკვიდრებისათვის ხელშეწყობა; ფიზიკურად და სულიერად ჯანსაღი და ჰარმონიულად განვითარებული მომავალი თაობის აღზრდისათვის ხელშეწყობა;



შ) ახალგაზრდული ღონისძიებების, ახალგაზრდული დღეებისა და თამაშობების ორგანიზება;

ჩ) განსაკუთრებული ნიჭით დაჯილდოვებული ბავშვებისა და ახალგაზრდების შემოქმედებითი პოტენციალის გამოვლენისათვის ხელშეწყობა;

ც) ბავშვთა და ახალგაზრდულ კავშირებს შორის ურთიერთობის ხელშეწყობა და ამ მიზნით ტრენინგ-სემინარების, კონფერენციების, სიმპოზიუმების, კონკრეტების, ფესტივალების, გამოფენების, საქველმოქმედო აქტივებისა და სხვა ღონისძიებების მოწყობა;

ძ) ბავშვებისა და ახალგაზრდების შემეცნებით-შემოქმედებითი და დასვენება-გაჯანსაღების პროგრამების განხორციელება, ბავშვთა და ახალგაზრდული ტურიზმის განვითარებისათვის ხელშეწყობა;

წ) ახალგაზრდული თემატიკის პროექტების განხორციელება და დაფინანსება;

ჭ) მართვის ისეთი მექანიზმების დანერგვა, რომლებიც ხელს შეუწყობს ამ წესდებით დასახული მიზნების მიღწევას.

ბ) უცხოურ და ადგილობრივ ორგანიზაციებთან ურთიერთობების დამყარება, თანამშრომლობა, პროგრამების შემუშავება, სამუშაო პროცესში თანამედროვე ტექნოლოგიების და გამოცდილებების დანერგვა.

ჯ) ყველა ასაკის მკითხველის საბიბლიოთეკო, საინფორმაციო და ბიბლიოგრაფიული მომსახურება.

ჰ). საქართველოს სამუზეუმო საქმიანობის სამართლებრივი ურთიერთობის მოწესრიგება და სამუზეუმო ფონდის დაცვა „საქართველოს მუზეუმების შესახებ“ კანონის შესაბამისად, ეროვნული საგანძურის მოძიების, აღრიცხვის, დაცვის, ექსპონირების, სამუზეუმო კოლექციების ოპტიმიზაციის, რესტავრაციის, ინვენტარიზაციის და პოპულარიზაციის ხელშეწყობა.

2.2 „ცენტრი“ სპორტის მიმართულებით არსებული ამოცანების შესრულებისას ხელმძღვანელობს ოთხი ეტაპით, ესენია:

ა) პირველი (დაწყებითი) ეტაპი – საერთო ფიზიკური და დაწყებითი მომზადება მოიცავს:

ა.ა) მოძრავი სახალისო სპორტული თამაშობების შესწავლასა და მათში მონაწილეობის მიღებას;

ა.ბ) სპორტის საფუძვლებისა და ეროვნული სპორტული მეგვეიდრობის გაცნობას;

ა.გ) ჯანსაღი ცხოვრების წესის აღქმას და უნარ-ჩვევების გამომუშავებას, სპორტულ-პატრიოტული სულის ჩამოყალიბებას;

ა.დ) მოსწავლე-სპორტსმენების მომზადებას შემდგომ საწვრთნელ ეტაპზე გადასასვლელად;



ბ) მეორე (საბაზო-საორიენტაციო) ეტაპი – საწვრთნელი სასპორტო საქმიანობა მოიცავს:

ბ.ა) პირველ (დაწყებით) ეტაპზე შეძენილი ცოდნისა და ფიზიკური ვარჯიშების გაუმჯობესებას და ფიზიკური კონდიციების ამაღლებას;

ბ.ბ) შესაბამისი უნარჩვევების შემენა და განმტკიცება;

ბ.გ) სპორტის კონკრეტული სახეების დაუფლებზე ორიენტირებულ მომზადებას და შესაბამის სპორტულ დონისძიებებში მონაწილეობას;

ბ.დ) დამოუკიდებლად წვრთნის უნარჩვევების გამომუშავებას;

ბ.ე) მოსწავლე სპორტსმენების მომზადებას შემდგომ საწვრთნელ ეტაპზე გადასასვლელად;

გ) მესამე (საშუალო) ეტაპი – სპორტული დახელოვნებისა და სრულყოფის სასპორტო საქმიანობა მოიცავს:

გ.ა) წვრთნის პროცესის აქტივიზაციას;

გ.ბ) არჩეული სპორტის სახეობაში შეძენილი სპორტული მომზადების, სპორტული ცოდნის და უნარჩვევების რეალიზებას;

გ.გ) სპორტულ შეჯიბრებებზე მაქსიმალურად მაღალი შედეგების ჩვენებას და უმაღლესი სპორტული შედეგების მისაღწევად მომზადებას;

გ.დ) მოსწავლის (სპორტსმენის) მომზადება შემდგომ საწვრთნელ ეტაპზე გადასასვლელად;

დ) მეოთხე (უმაღლესი) ეტაპი – უმაღლესი სპორტული დაოსტატების სასპორტო საქმიანობა მოიცავს:

დ.ა) მაღალი სპორტული შედეგების ჩვენებას, როგორც ეროვნულ, ასევე საერთაშორისო შეჯიბრებებზე;

დ.ბ) მოსწავლეების (სპორტსმენების) მზადებას ეროვნული ნაკრები გუნდების წევრობის ან წევრობის კანდიდატობისათვის.

„ცენტრი“ წესდებით განსაზღვრული მიზნების მისაღწევად უფლებამოსილია:

ა) დადოს ხელშეკრულებები;

ბ) ითანამშრომლოს სხვადასხვა საერთაშორისო სახელმწიფო და ადგილობრივი თვითმმართველობის ორგანოებთან; სამეცნიერო - საგანმანათლებლო, საკვლემოქმედო და არასამთავრობო ორგანიზაციებთან;

გ. მოქმედი კანონმდებლობის ფარგლებში მოიძიოს დაფინანსების დამატებითი წყაროები და საშუალებები;

დ) „ცენტრი“-ს ძირითადი საქმიანობის ფარგლებში არსებული სხვადასხვა ასაკობრივი, პროფესიული თუ სოციალური ჯგუფებისთვის მოაწყოს ტრენინგ-სემინარები, კონფერენციები, ოლიმპიადები, კონცერტები, ფესტივალები გამოფენები,



საქველმოქმედო აქციები, გამაჯანსაღებელი, შემეცნებით-შემოქმედებითი და სპორტული ღონისძიებები;

ე) „ცენტრი“-ს საქმიანობის საზოგადოებისათვის გასაცნობად გამოიყენოს სხვადასხვა საინფორმაციო და სარეკლამო საშუალებები;

ვ) წარმართოს დამხმარე სამეწარმეო საქმიანობა კანონმდებლობით დადგენილი წესით;

ზ) იქონიოს საპარკო ზონები, სპორტული და საბავშვო მოედნები. ასევე, გასართობი, დასვენებისა და ფიზიკურ-გამაჯანსაღებელი დანიშნულების სხვა ობიექტები;

თ) ჩამოაყალიბოს სხვადასხვა თემატური კლუბები;

ი) ნიჭიერი ახალგაზრდების თვითრეალიზაციის ხელშესაწყობად გამოაცხადოს კონკურსები.

კ) იზრუნოს ახლებური, ინოვაციური ტექნოლოგიებისა და მართვის თანამედროვე ფორმების დანერგვა-რეალიზაციაზე.

ლ) განახორციელოს და დააფინანსოს კულტურული, სპორტული და სახელოვნებო პროექტები;

მ) განახორციელოს კანონმდებლობით მინიჭებული სხვა უფლებამოსილებანი.

„ცენტრი“-ს სასპორტო-საწვრთნელი პროცესის ძირითად ფორმას წარმოადგენს:

ა) ჯგუფური საწვრთნელი და თეორიული მეცადინეობები;

ბ) ინდივიდუალური წესით მეცადინეობები.

2.3. „ცენტრი“-ს უფლება აქვს სახელოვნებო, სპორტული და კულტურული მიმართულებით განახორციელოს დამატებითი ფასიანი მომსახურება ნებისმიერი ასაკის მსურველთათვის.

2.4. „ცენტრი“ ვალდებულია:

ა) შეასრულოს მოქმედი კანონმდებლობითა და დადებული ხელშეკრულებით აღებული ვალდებულებები;

ბ) მოსწავლეებსა და მასწავლებლებს/მწვრთნელ მასწავლებლებს შეუქმნას სწავლებისა და ვარჯიშისათვის შესაფერისი გარემო;

გ) იზრუნოს თანამშრომელთა პროფესიული უნარ-ჩვევების განვითარებასა და კვალიფიკაციის ამაღლებაზე.

დ) იზრუნოს თავისი საქმიანობის ფარგლებში არსებული მიმართულებების (კულტურა, ხელოვნება, სპორტი, სამუზეუმო საქმიანობა) განვითარებაზე.

2.5. წესდებით განსაზღვრული მიზნების მისაღწევად „ცენტრი“ უფლებამოსილია განახორციელოს კანონით აუკრძალავი და ამ წესდებით პირდაპირ



გაუთვალისწინებელი ყველა სახის არაკომერციული საქმიანობა, რაც პირდაპირ ან არაპირდაპირ ემსახურება ცენტრის მიზნების მიღწევას.

მუხლი 3. „ცენტრი“-ს დამფუძნებელი და მისი უფლებამოსილება

3.1 არასამეწარმეო (არაკომერციული) იურიდიული პირი „თეთრიწყაროს კულტურისა და სპორტის ცენტრი“-ს დამფუძნებელი არის თეთრიწყაროს მუნიციპალიტეტი, რომლის უფლებამოსილებებს ახორციელებს თეთრიწყაროს მუნიციპალიტეტის აღმასრულებელი ორგანო - წარმოდგენილი თეთრიწყაროს მუნიციპალიტეტის მერიის სახით.

3.2 მუნიციპალიტეტის აღმასრულებელი ორგანო, როგორც დამფუძნებელი, უფლებამოსილია:

- ა) მიიღოს გადაწყვეტილება მუნიციპალიტეტის ცენტრისთვის ფინანსური სახსრებისა და სპორტის ნივთების სარგებლობაში/საკუთრებაში გადაცემის შესახებ, უძრავი ნივთების სარგებლობაში გადაცემის შესახებ;
- ბ) დაამტკიცოს ცენტრის წესდება (დებულება), შეიტანოს მასში ცვლილებები და დამატებები;
- გ) უზრუნველყოს მუნიციპალიტეტის ბიუჯეტში ა(ა)იპ „თეთრიწყაროს მუნიციპალიტეტის კულტურის, ხელოვნების და სპორტის ცენტრი“-ს საქმიანობის განხორციელებისათვის დასაფინანსებელი ასიგნების გათვალისწინება და აღნიშნული ბიუჯეტის შესაბამისად ა(ა)იპ-ის ხარჯთაღრიცხვების დამტკიცება.
- დ) შეცვალოს „ცენტრი“-ს მიზნები;
- ე) მიიღოს გადაწყვეტილება დირექტორის თანამდებობაზე დანიშვნისა და განთავისუფლების შესახებ, ასევე წახალისებისა და დისციპლინური პასუხისმგებლობის ზომების გამოყენების თაობაზე და განსაზღვროს მისი უფლებები და მოვალეობები.
- ვ) მოითხოვოს ყოველგვარი ინფორმაცია ცენტრის ხელმძღვანელი პირებისგან ცენტრის საქმიანობის შესახებ;
- ზ) მოისმინოს დირექტორისგან ფინანსური თუ სხვა ხასიათის ანგარიშები;
- თ) დაამტკიცოს ცენტრის დირექტორის მიერ წარმოდგენილი ცენტრის საქმიანობის სტრატეგიული მიმართულებები;
- ი) დაამტკიცოს ცენტრის ცალკეული პროექტები და აკონტროლოს მათი განხორციელება;
- კ) განიხილოს ცენტრის დირექტორის მიერ ბიუჯეტის ათვისების, ასევე საქმიანობის შესახებ წარმოდგენილი ანგარიშები;
- ლ) წარადგინოს წინადადება ცენტრის საქმიანობის შეჩერების, რეორგანიზაციის ან ლიკვიდაციის თაობაზე;
- მ) დაამტკიცოს ცენტრის სტრუქტურა, სამტატო ნუსხა და თანამდებობრივი სარგოები, შესაბამისად განხორციელებული ცვლილებები და სხვა;
- ნ) განახორციელოს საქართველოს კანონმდებლობით განსაზღვრული სხვა უფლებამოსილებები.



მუხლი 4. „ცენტრი“-ს ხელმძღვანელობა და სტრუქტურა

4.1. არასამეწარმეო (არაკომერციული) იურიდიული პირი „ეთერიწყაროს კულტურისა და სპორტის ცენტრი“-ს ხელმძღვანელობისა და წარმომადგენლობის უფლებამოსილებას სრულად ახორციელებს დირექტორი, რომელსაც თანამდებობაზე ნიშნავს და ათავისუფლებს თეთრიწყაროს მუნიციპალიტეტის მერი.

4.2. „ცენტრი“-ს დირექტორი:

- ა) „ცენტრი“-ს მიზნების მისაღწევად იყენებს ცენტრის ანგარიშზე ჩარიცხულ მატერიალურ სახსრებს. ამასთან, დირექტორი პასუხისმგებელია მატერიალური სახსრების მიზნობრივად და დანიშნულებისამებრ გამოყენებაზე;
- ბ) მოქმედებს „ცენტრი“-ს სახელით და წარმოადგენს მას მესამე პირებთან ურთიერთობაში, როგორც ქვეყნის შიგნით, ისე მის ფარგლებს გარეთ.
- გ) „ცენტრი“-ს სახელით დებს ხელშეკრულებებს, გარიგებებს, გასცემს მინდობილობებს.
- დ) დებს გარიგებებს და აფორმებს ხელშეკრულებებს როგორც საქართველოს, ასევე უცხოეთის ფიზიკურ და იურიდიულ პირებთან, აწარმოებს მოლაპარაკებებს დამფუძნებელთან შეთანხმებით;
- ე) დამფუძნებელთან ერთად ზედამხედველობს „ცენტრი“-ს ფინანსური სახსრებისა და სხვა მატერიალური ქონების მართვას;
- ვ) ხელს აწერს „ცენტრი“-ს საფინანსო და სხვა სახის ოფიციალურ დოკუმენტაციას;
- ზ) უზრუნველყოფს „ცენტრი“-ს დამფუძნებლის გადაწყვეტილებების შესრულებას, ქმნის სამუშაო გეგმებს და წარმართავს მათ საქმიანობას;
- თ) გაწეული საქმიანობის შესახებ აზარებს ანგარიშს დამფუძნებელს;
- ი) შეიმუშავებს „ცენტრი“-ს საქმიანობის სტრატეგიულ მიმართულებებს, გეგმებს, მიზნობრივ პროგრამებსა და პროექტებს;
- კ) დამფუძნებლის მიერ დამტკიცებულ პროექტებთან დაკავშირებით „ცენტრი“-ს სახელით დებს ხელშეკრულებებს მესამე პირებთან;
- მ) ამტკიცებს ცენტრის შინაგანაწესსა და დებულებას, რომლითაც განსაზღვრულია ცენტრის თანამშრომელთა უფლებები და ვალდებულებები, მათი წახალისების და დისციპლინური პასუხისმგებლობის საკითხები, ასევე სამსახურის ეფექტური ფუნქციონირებისათვის საჭირო საკითხები;
- ნ) გამოსცემს ბრძანებას, ნიშნავს და ათავისუფლებს „ცენტრი“-ს თანამშრომლებს, აფორმებს მათთან შრომით ხელშეკრულებებს, განსაზღვრავს ფულდი და სხვა წახალისების საკითხებს და იღებს დისციპლინური პასუხისმგებლობის ზომებს;
- ო) წესდების, შინაგანაწესის და ზნეობრივი ნორმების განუხრელი დაცვის მიზნით ახორციელებს კონტროლს თანამშრომლებზე;
- პ) თეთრიწყაროს მუნიციპალიტეტის მერს დასამტკიცებლად წარუდგენს „ცენტრი“-ს სტრუქტურას, სამტატო განრიგს და თანამდებობრივ სარგოს;



- ჟ) მოქმედი კანონმდებლობის და ამ წესდების შესაბამისად განსაზღვრავს „ცენტრი“-ს თანამროშმღების თანამდებობრივ ინსტრუქციას;
- რ) გადაუდებელი აუცილებლობის, გამარტივებული შესყიდვის, განხორციელების შემთხვევაში მოქმედებს „სახელმწიფო შესყიდვის შესახებ“ საქართველოს კანონის შესაბამისად.
- ს) დამფუძნებლის მიერ მინიჭებული უფლებების ფარგლებში ახორციელებს სხვა საქმიანობას;
- 4.3. დირექტორის მიერ თავისი უფლებამოსილების განხორციელების შეუძლებლობის შემთხვევაში მის ფუნქციებს ასრულებს დამფუძნებლის მიერ განსაზღვრული სხვა უფლებამოსილი პირი;
- 4.4. წესდებით განსაზღვრული მოვალეობების შესრულებლობის, უფლებამოსილების გადამტების ან ცენტრის საწესდებო მიზნებთან შეუსაბამო საქციელისათვის, სახსრების არამიზნობრივად გამოყენებისათვის „ცენტრი“-ს დირექტორის უფლებამოსილების შეწყვეტის შესახებ გადაწყვეტილებას იღებს „ცენტრი“-ს დამფუძნებელი;
- 4.5. „ცენტრი“-ს დირექტორი მინიჭებულ უფლებამოსილებათა ფარგლებში, მოქმედებს დამოუკიდებლად და კეთილსინდისიერად. პერსონალურად აგებს პასუხს ცენტრის საქმიანობის სწორად წარმართვაზე, ცენტრის მფლობელობაში არსებული ქონების დაცვასა და ფულადი სახსრების მიზნობრივ ხარჯვაზე.
- 4.6. „ცენტრის“ სტრუქტურა შედგება „ცენტრი“-ს დირექტორის, მოადგილის, სამსახურებისაგან.

მუხლი 5. „ცენტრი“-ს სამსახურები

5.1 „ცენტრი“ შედგება ოთხი სამსახურისგან:

ა) სამუზეუმო სამსახური - „თეორიწყაროს მხარეთმცოდნეობის მუზეუმი“

ბ) სახელოვნებო სამსახური - „ხელოვნების სკოლა“;

გ) სპორტის სამსახური - „სპორტული სკოლა“;

დ) კლასიკური და ხალხური მუსიკის სამსახური - „ხალხური და კლასიკური მუსიკის სკოლა“;

მუხლის 6. „ცენტრი“-ს ქონება, საფინანსო-სამეურნეო საქმიანობა

6.1. ცენტრის ქონებას შეადგენს ძირითადი, საბრუნავი საშუალებები და სხვა ფასეულობანი, რომლებიც ასახულია მის ბალანსში და საჭიროა ამ წესდებით გათვალისწინებული საქმიანობის მატერიალური უზრუნველყოფისთვის.

6.2. კანონით დადგენილი წესით ცენტრის სახსრები იქმნება:

ა) დამფუძნებლის მიერ დამტკიცებული სახსრებით;



ბ) კანონმდებლობით ნებადართული დამხმარე სახის საქმიანობიდან (ფასიანი სწავლებიდან, ღონისძიებებზე გაყიდული ბილეთებიდან, უძრავი ქონების გაქირავებიდან) მიღებული შემოსავლებით;

გ) ადგილობრივი და უცხოელი იურიდიული და ფიზიკური პირების უსასყიდლო და საქველმოქმედო შემოწირულობებით;

დ) გრანტები, სუბსიდიები და სხვა კანონიერი წყაროები;

ე) სხვა წყაროებიდან მიღებული შემოსავლებით, რომლებიც არ ეწინააღმდეგებიან მოქმედ კანონმდებლობას.

6.3. ცენტრს საკუთრებაში (სარგებლობაში) შეიძლება ჰქონდეს შენობა-ნაგებობანი, სატრანსპორტო საშუალებები, ფულადი სახსრები, ინვენტარი და სხვა ქონება, რაც აკრძალული არ არის მოქმედი კანონმდებლობით.

6.4. ცენტრის დირექტორს აკისრია პასუხისმგებლობა ცენტრის ფულადი სახსრების მიზნობრივ განკარგვასა და ქონების დაცვაზე.

6.5 დამფუძნებელთან შეთანხმებით იღებს გადაწყვეტილებებს:

ა) უძრავი ქონების შეძენა, გასხვისება, დატვირთვა რაიმე ფორმით;

ბ) სესხების აღების თაობაზე;

გ) თავდებობაზე;

დ) სხვა გადაწყვეტილებებზე, რომლებიც სცილდება ჩვეულებრივი საქმიანობის ფარგლებს, რაც გათვალისწინებული არ არის ამ წესდებით.

მუხლი 7. ცენტრის კონტროლი

7.1. „ცენტრი“-ს კონტროლი გულისხმობს მის მიერ განხორციელებულ საქმიანობის კანონიერებაზე, მიზანშეწონილობაზე, ეფექტურობაზე, ხარისხსა და საფინანსო-ეკონომიკურ საქმიანობაზე ზედამხედველობას;

7.2. „ცენტრი“-ს საქმიანობაზე კონტროლს ახორციელებს თეთრიწყაროს მუნიციპალიტეტის მერი.

7.3. „ცენტრი“ ვალდებულია არსებული კანონმდებლობის შესაბამისად აწარმოოს ბუღალტრული აღრიცხვა-ანგარიშგება, საფინანსო-ეკონომიკური საქმიანობა, შეადგინოს ბალანსი, კვარტალური და წლიური ანგარიშგება და წარუდგინოს თეთრიწყაროს მუნიციპალიტეტის მერს.

7.4. საჭიროების შემთხვევაში „ცენტრი“-ს საფინანსო-საბუღალტრო დოკუმენტაციას ამოწმებს მერიის შიდა აუდიტის სამსახურის ან მოწვეული ლიცენზირებული აუდიტორის მეშვეობით.



7.5 კონტროლის განსახორციელებლად დამფუძნებელი უფლებამოსილია „ცენტრი“-საგან გამოითხოვოს საჭირო დოკუმენტაცია და ინფორმაცია.

7.6 დამფუძნებელი უფლებამოსილია შეაჩეროს ან გააუქმოს „ცენტრი“-ს არამართლზომიერი გადაწყვეტილება.

მუხლი 8 „ცენტრი“-ს რეორგანიზაცია და ლიკვიდაცია

8.1. არასამეწარმეო (არაკომერციული) იურიდიული პირის რეორგანიზაცია და ლიკვიდაცია ხორციელდება საქართველოს კანონმდებლობით დადგენილი წესით.

8.2. არასამეწარმეო (არაკომერციული) იურიდიული პირის რეორგანიზაციისა და ლიკვიდაციის შესახებ გადაწყვეტილებას იღებს თეთრიწყაროს მუნიციპალიტეტის საკრებულოს თანხმობით, თეთრიწყაროს მუნიციპალიტეტის მერი.

8.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.

8.4. გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

8.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს თეთრიწყაროს მუნიციპალიტეტის მერი. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:

ა) გასხვისება ხელს უწყობს მის მიერ დასახული მიზნების განხორციელებას;

ბ) ემსახურება საქველმოქმედო მიზნებს;

გ) ქონება გადაეცემა სხვა არასამეწარმეო (არაკომერციულ) იურიდიულ პირს.

8.6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, ხელმძღვანელობისა და წარმომადგენლობითი უფლებამოსილების მქონე პირებს შორის.

8.7. თუ თეთრიწყაროს მუნიციპალიტეტის მერიამ არ განსაზღვრა ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო



(არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

8.8. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი.

მუხლი 9 დაკვნითი დებულებები

9.1. წინამდებარე წესდება ძალაში შედის თეთრიწყაროს მუნიციპალიტეტის მერის მიერ წესდების დამტკიცების შესახებ ბრძანების გამოცემის შემდეგ.

9.2. ამ წესდების გაუქმება ან მასში ცვლილებების შეტანა ხორციელდება მოქმედი კანონმდებლობით დადგენილი წესით.

9.3. თუ ამ წესდების რომელიმე ნორმა რაიმე გარემოების ძალით ბათილად იქნა ცნობილი, ეს არ მოახდენს გავლენას მთლიანად წესდების მართებულობაზე. ბათილი ნორმის ნაცვლად გამოიყენება წესი (ნორმა), რომელიც ძალაშია.

9.4. იმ საკითხების დარეგულირებისას, რომელიც არ არის მოწესრიგებული წინამდებარე წესდებით, გამოიყენება მოქმედი კანონმდებლობითა და სათანადო სამართლებრივი აქტებით გათვალისწინებული ნორმები.

9.5. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

9.6. წესდება შედგენილია ქართულ ენაზე სამ ეგზემპლარად.

